

# NASA BOSNA

List gradjana Bosne i Hercegovine u Holandiji

Broj 8

## URUCENA SRAMNA PRIZNANJA VOJNICIMA HOLANDSKOG BATALJONA III IZ SREBRENICE

Pise: Admira Fazlic



Bez obzira na brojne i ostre proteste Majki Srebrenice, Bosanskohercegovačke zajednice u Holandiji (Platforme BiH, Mladi BiH, Udruženja Bosnjaka "Most", Udruženja Bosna, IKC Bosnjak i dr.), Društva za ugrozene narode, Svjetskog saveza dijaspore Bosne i Hercegovine, Kongresa Bosnjaka Sjeverne Amerike, holandskih prijateljskih organizacija i licnosti i ambasade BiH, holandski ministar odbrane H.G.J. Kamp je 4. decembra u kasarni u Asenu urucio priznanja oficirima i vojnicima tri holandska bataljona, koji su zaredom 1994. i 1995. do pada Srebrenice bili u tamosnioi tzv. mirovnoi operaciji.

U Assenu je 4. decembra otkrivena i spomen ploca dvojici holandskih poginulih vojnika Jeffrey Broere i Raviv van Renssen uz prisustvo brojnih domacih i stranih novinara i TV izvjestaca.



Demonstracije gradjana BiH i Holandjana protiv dodjele priznanja pred Parlamenom u Hagu

Gotovo svaki govor na trgu gdje je održana ceremonija, prapracen je aplauzom a tu su bili sviraci, trubaci.... sto je podsjećalo na neko "slavlje". Na tribini su bile porodice vojnika i prijatelji. Ministar odbrane Kamp i komandant bataljona Karremans su u svojim govorima naglasili da vojnici ovo priznanje zaslužuju i da slobodno mogu biti ponosni na to. "Oni su svojevremeno imali težak zadatak i radili su pod teskim uslovima, a po povratku u Holandiju i proteklih godina bili su obasuti negativnim komentarima, sto nisu smjeli biti".

Priznanje je bilo namjenjeno svim vojnicima no mnogi se nisu odazvali. Od 850 pozvanih bilo je oko 500 prisutnih.



Društvo za ugrožene narode sa ženama Srebrenice i članovi bh. udruženja u Holandiji demonstriraju ispred kasarne u Asenu protiv paradoksalnih priznanja

U intervju sa Kampom on mi odgovara da ne može da razumije zašto ispred kasarne neki ljudi protestuju. Holandija pomaze Srebrenicu i daje joj pare...

Karremans naglasava da oni ne smiju zaboraviti zašto su bili u Srebrenici, da se ne moraju hvaliti onim znackama ali da slobodno mogu biti ponosni. Karremans je pozvao sve prisutne na par sekundi sutnje, i da se na takav način oda počast žrtvama...

Ispred kasarne je u isto vrijeme povodom ovog čina odlikovanja održana mirna protestna akcija različitih bh. i drugih udruženja. Društvo za ugrožene narode je postavilo jedan transparent dug 60 m na kojem su ispisana imena 8106 muškaraca i dječaka, čija su imena i glasno bila izgovarana.

Istog dana je Platforma BiH je zajedno sa holandskom prijateljskom organizacijom Politicki Komitet "Stari Most" i sa omladinskom organizacijom Mladi BiH organizovala sličnu protestnu akciju u Den Hagu ispred Holandskog Parlamenta i Ministarstva odbrane. Ovim institucijama je ponovo uručeno protestno pismo u vezi odluke holandske vlade o odlikovanju. U pismu se pored zahtjeva da se ne uruče odlikovanja od holandske vlade traži da se izvine zbog očiglednog neuspjeha u odbrani Srebrenice da preduzme enerγιčne mjere na isporuci Karadzica i Mladica Tribunalu i da izbjeglicama iz

Srebrenice koji godinama žive u nenormalnim uslovima u Holandiji omogući ostanak i normalne uslove za rad i život.

Udruženje Optimisti 2004 iz Kozarca kod Prijedora je u Hagu dijelilo prigodne plakate na kojima se umjetnicki i veoma jasno šalje poruka osude odluka Ministarstva odbrane o dodjeli priznanja.

Organizatori ovih demonstracija su bili Platforma BiH u Holandiji, Mladi BiH u Holandiji i Politički Komitet "Stari Most".

---

**Sama ideja o priznanju za neuspješnu odbranu Srebrenice je sramotna i predstavlja tesku uvredu za žrtve i sve one koji ih oplakuju, a moralni je poraz za vojnike koji su svjesni promasaja u odbrani Srebrenice.**

Povodom dodjele priznanja holandskom bataljonu za ulogu tokom boravka u Srebrenici 1995. godine možete uzeti učešća u akciji čestitanja vladi i vojnicima holandskog bataljona za "njihove zasluge" i poslati razglednicu preko web stranice: [www.aferim.efm.ba](http://www.aferim.efm.ba)

Šta o medaljama pripadnicima Dutcbata III kaže jedan od mnogih Holandjana marinac Rene Schröder:

Dragi gospodine/gospodjo,

Godinama služim Holandsku mornaricu.

Zapanjen sam i posramljen kao Holandjanin.

Veoma mnogo saosjećam sa ljudima iz Srebrenice koji još uvijek trpe jaki teror odvratnog gospodina (RAT=PACOVA) i Mladica (neka struhne u paklu) i njegovih gangstera.

Zaista ne razumijem zašto je Holandska vlada dodijelila ove medalje našim jadnim vojnicima.

Kao Holandjanin osjećam se odgovornim za debakl Srebrenice.

Jako se stidim.....

Dear sir / mam,

I was for many years serving the dutch Navy.

I am devistated and SHAMEFULL about being dutch!

I am very much sympathizing with the Srebrenizan people who are still suffering so much terror from the disgusting mister (RAT) i Mladic (may he rotten in hell) and his gangsters. I do not understand the medal given by the dutch government to our pathetic soldiers.

I feel as a dutchman responsible for the Srebrenica debacle. I am ashamed a lot.....

**Odlučni protesti i prethodna snažna kritika u medijima od strane rukovodstva udruženja BiH ne samo vlade Holandije zbog odluke o odlikovanju nego još više vlade Bosne i Hercegovine zbog uporne sutnje i odsustva zvanične osude ovog čina, ipak je, u posljednjem momentu, došlo do reagovanja Predsjedništva BiH pozivom holandskog ambasadora da obrazloži odluku svoje vlade o ovom odlikovanju.**

**Znacajno je napomenuti da je trojno Predsjedništvo BiH ovim povodom došlo do jednoglasne odluke što predstavlja prvi slučaj potpune saglasnosti po nekom pitanju ovog najvišeg državnog organa zemlje.**

## DODJELJENA PRIZNANJA NAJUSPJESNIJIM LICNOSTIMA U 2006. GODINI U AMBASADI BOSNE I HERCEGOVINE

Pise: Mujo Midzic



### JEDNOGLASNO IZABRANI DR.SANAIL SIVRO I NOVINARKA ADMIRA FAZLIC

Treci put za redom pod krovom Ambasade BiH u Den Haagu dodjeljena su godisnja priznanja uprave PLATFORME najuspjesnijim pojedincima u dijaspori. Svečanost je održana 16. decembra, a ove godine priznanje je prvi put dodjeljeno i najuspjesnijim omladincima koji su se angazovali u Holandiji za dobrobit dijaspore.

Uz prisustvo ambasadora Fuada Sabete, koji je bio vrlo ljubazan domaćin skupa sa pedesetak zvanica (među njima i predstavnika značajnih institucija holandskog društva), sve je proteklo vrlo svečano i efikasno. Biranim riječima ambasador Sabeta pozdravio je prisutne izrazivši želju da se saradnja sa BiH dijasporom i domovinom još više produbi, iako nekada postoje i disonantni tonovi na toj relaciji. "Vrata ambasade su uvijek otvorena za zdrave inicijative, u šta ste smo se uvjerali i u proteklom vremenu. Ovdje smo održali više skupova i kulturnih manifestacija. I prošle godine ovdje smo upriličili dodjelu ovih značajnih priznanja našim ljudima. Neke aktivnosti, kao, na primjer, okupljanja naših značajnih umjetnika, imaćemo već početkom sljedeće godine", istakao je ambasador.

Skup u ambasadi održan je u dva dijela. U prvom dijelu bio je to prošireni sastanak uprave PLATFORME na kome se govorilo o aktuelnim aktivnostima, dok su se u drugom dijelu dodijelila priznanja. Razumljivo, naš izvještaj počecemo ovim drugim dijelom, ne slijedeći vremenski kontinuitet, to, naime, nosioci priznanja zavrjeduju.



Mlada novinarka Admira Fazlic i Dr. Senail Sivro sa uručenim priznanjima

Obrazloženje za dodjelu priznanja pročitao je predsjednik uprave PLATFORME Dzevad Kuric, koji je i urucio prigodnu diplomu dr. Sivri, a o novinarki Admiri Fazlic govorio je član uprave Sefkija Hadziarapovic i istoj urucio priznanje. Prijedlozi za dodjelu priznanja podržani su jednoglasno od mnogih u Holandiji, što dovoljno govori da se ove godine potpuno pogodilo u odabiru licnosti.

Najuspješnija licnost u 2006. godini dr. Sanail Sivro zaposlen je u Opstoj bolnici u Almereu od 1999. godine gdje vrsi sve vrste hirurskih operacija. Bavi se i traumatskim i ortopedskim hirurskim operacijama. Od dolaska u Holandiju 1995. godine neumorno pomaze bolnice i skole u BiH u humanitarnim akcijama. Prikuplja opremu sa svojim holandskim prijateljima i upucuje je u bolnice, nabavlja kompjutere i opremu za skole, a prisutan je i u edukaciji tamosnjih ljekara kod specifičnih operativnih zahvata koje sam već uspješno obavlja u Holandiji. Rodjen je 1951. godine. Medicinski fakultet završio je u Sarajevu 1977. kao odlican student. Za pedesetak godina svog zivotnog vijeka uspio je završiti i voditi više značajnih poslova uz neprekidno stručno usavršavanje. Neumorno i poztvovano, kao što to čini svaki istinski stvaralac i humanista. Radio je u bolnicama u Travniku i Zenici, a u posljednjem ratu u BiH osnovao je i vodio ratne bolnice u Visokom i Hrasnici te koordinirao rad ratnih bolnica u Tesnju, Fojnici, Bugojnu i Varesu. Polovinom 1994. godine odlazi u Ruandu u Africi posredstvom Medjunarodne sanitetske službe gdje radi u opstoj bonici do januara 1995. godine. Duznosti koje je obavljao u ratu uključivale su sve vrste operativnih usluga. U ovom relativno kratkom vremenu izveo je preko 200 operacija, 250 porodjaja i 16000 ljekarskih pregleda. Suocavao se sa ratnim strahotama na najneposredniji način.



Foto moment sa najuspješnijim licnostima godine: Dzevad Kuric, predsjednik Platforme BiH, Admiri Fazlic, Dr. Senail Sivro i ambasador BiH u Holandiji Fuad sabeta

Dolaskom u Holandiju od 1995. do 1997. radi na odjeljenju za kardiopulmonarnu hirurgiju Akademskog medicinskog centra Univerziteta u Amsterdamu, a zatim i na svim vrstama operacija iz opste hirurgije.

U Opstoj bonici Alemere radi od 1999. godine gdje vrši sve vrste hirurskih operacija. Pored holandskog dr. Sivo govori engleski i ruski jezik. Njegova supruga Ferida je ljekar-specijalista za nuklearnu medicinu i radi na Institutu za rak u Amsterdamu, jednom od najprestižnijih u ovom dijelu Evrope. Bracni par Sivo ima troje djece studenata u Holandiji.

Zahvaljujuci se na priznanju dr. Sivo je naglasio potrebu za zajednickim djelovanjem ljudi u dijaspori. "Sam covjek moze vrlo malo, ali se zajedno moze sve postici!", rekao je u kracem obracanju prisutnima.

Obrazlozenje za najuspjesniju mladu licnost u 2006. godini procitao je clan uprave PLATFORME Sefkija Hadziarapovic. Admira Fazlic, inace prvi dobitnik ovog priznanja za mlade, rođena je 1981. godine u Prijedoru. Završila je studij televizijskog novinarstva u Holandiji. Angazovana je na holandskoj televiziji, ali i pored napornog profesionalnog rada nije zalila truda i pameti da vec nekoliko godina bude aktivna i u okviru BiH dijaspore. Bila je do ove jeseni na celu mladih koji djeluju pri PLATFORMI. Clan je i glavnog odbora Svjetskog saveza dijaspore, a vodi i nekoliko projekata vezanih za Srebrenicu, kao i rjesavanje statusa BiH izbjeglica u Holandiji koji jos nisu dobili trajni boravak. Prevodi tekstove sa holandskog jezika i pomaze u svakoj prilici kada to moze (i ljudi je pozovu). O svom ranom djetinjstvu kaze: "Sjecanje na djetinjstvo dostize samo do 1992. a poslije toga cini mi se da sam u jednom danu postala odrasla osoba. Na svu sreću tragici događaji tokom agresije na domovinu nisu ostavili toliko duboke tragove da bih zaboravila sve one lijepe stvari vezane za rodni kraj. Ti momenti sreće i danas mi daju snage da se maksimalno zalozim za BiH, nas narod i nase zajednicke interese."

U rodnoj Bosni Admira je završila pet razreda osnovne škole. U toku rata, gledajući ocima devetogodisnje djevojčice zlo oko sebe, poželja je da bude novinar. "Nakon toga sto su nas novinari u okolini Prijedora otkrili i spasili iz ruku krvoloka", kaze prisjecajuci se tih godina. Pored majke Harke i oca Ferida ima i sestru Alenu (21) koja zivi u Njemackoj. Ponosi se svojim roditeljima i divi se toj generaciji koja je izuzetno svjesna zlocina koji je pretrpjela a u isto vrijeme nije dozvolila da je sve to unisti na psiholoskom planu. Admira kaze: "Oni su nam spasili glavu, a na nama mladima je da nasim starijima olaksamo i obezbjedimo buduce staracke dane." Ovih dana razmislja i o upisu novih studija, a zeljela bi da jednog dana radi za BBC World ili Al Jazeera. Krhka i lijepa djevojka koja cvrsto stoji na tlu Holandije a u isto vrijeme pravo i snazno gazi i ka svojoj Bosni. Ne mora se BiH dijaspora bojati svoje buducnosti dok je Admire i njoj slicnih, a ima ih svakim danom sve vise.

2004. godine priznanje je dobio pjesnik i animator kulture Halil Džananović iz Amsterdama (bio je to i pocetak dodjele priznanja), a 2005. godine priznanje je otislo u ruke akademika Prof. dr. Kemala Hanjalica, koji je vise godina radi na Univerzitetu u Delftu.

U prvom dijelu okupljanja u Ambasadi BiH, kako smo vec napomenuli, uprava Platforme održala je prošireni sastanak. Govorilo se o realizaciji akcija od ljeta do ovih dana, dok je posebno mjesto u dnevnom redu predstavljalo upoznavanje ljudi iz BiH dijaspore koji su usli na posljednjim lokalnim izborima u gradska opštinska vijeća. Takvih ima cetvero i to u Amsterdamu, Emmenu, Helmondu i Apeldoornu. Prisutnima su se predstavili Senada Rougoor-Mahalbasic iz Emmena (vec je drugi put birana) i Damir Ibrovic iz Helmonda. Obecali su da ce se svestrano zalagati i za interese BiH gradjana u Holandiji kada ime se za to ukaze prilika. Sabina Gazic iz Amsterdama i Ajla Mandic iz Apeldoorna nisu bile prisutne na skupu, ali su pozdravile inicijativu za okupljanjem ove vrste.

U ovom dijelu razgovora iskrsla je i inicijativa (iznio je clan uprave Elvedin Kodzaga) da se vec sada pocne sa pripremama za sljedece izbore za parlament Holandije i da se tamo izabere neko ko vodi

porijeklo iz BiH. Ako se zna da u Holandiji ima blizu 50 hiljada gradjana koji su dosli sa prostora BiH onda je ovaj cilj i vrlo ostvarljiv.

Vrijedno je istaci, a to se takodje culo na prosirenom sastanku u ambasadi, da se u okviru PLATFORME pavela i inicijativa o okupljanju naucnih radnika porijeklom iz BiH koji ce pokusati da usmjere neke projekte i prema domovini i uspostave obostranu saradnju izmedju dviju zemalja. Prema prvim saznanjima ovdje vec djeluje oko dvadesetak doktora nauka iz raznih oblasti, a medju mladim ima ih i na katedrama Tehnickog univerziteta u Delftu. Ovu inicijativu pokrenuo je i glavni odbor Svjetskog saveza dijaspore u toku ljeta u Sarajevu gdje su se bili okupili nasi naucni radnici iz cijelog svijeta.

Nakon radnog dijela skupa i dodjele priznanja za najuspjesnije licnosti u 2006. godini (koje se sastoji od diplome i prigodnih poklona), ambasador BiH u Kraljevini Holandiji za sve zvanice priredio je koktel. Uz jelo i pice gosti su se ugodno druzili do ranih vecernjih sati uz zelju na rastanku da se cesce vidjaju i na drugim mjestima sirom Holandije gdje djeluju klubovi i udruzenja ljudi porijeklom iz BiH.

## ZAHTJEV ZA OPSTIM POMILOVANJEM IZBJEGLICA

U subotu 4. novembra 2006.godine na Het Pleinuu u Den Haagu organizovana je velika manifestacija trzenja opsteg pomilovanja za sve izbjeglice koje duze od 5 godina borave u Holandiji. U manifestaciji su ucestvovala i organizacije Platforme BiH, Mladi BiH i istaknute bosanskohercegovacke licnosti.



Slikar Mirso Bajramovic je uradio vise plakata uoci Manifestacije zahtjeva za opstim pomilovanjem

Veoma dobro organizovanom manifestacijom upucen snazan poziv vladi i politicarima Holandije uoci novembarskih izbora.

U Holandiji boravi preko 1000 izbjeglica iz Bosne i Hercegovine i oko 200 izbjeglica sa podrucja Srebrenice, sto je oko 5 posto od ukupnog broja izbjeglica (26000) za koje se zahtjeva navedeno pomilovanje.

Pored rukovodstva i clanova bh. organizacija protestu je prisustvovala i novoizabrana vjecnica u opštini Amsterdam gospodja Sabina Gazic, koja je veci dio vremena provela za standom BiH.

Ucescem u ovoj manifestaciji 4. Novembar dali smo jos jednom svoj glas za dozvolu boravka nasim napacenim izbjeglicama i njihovim porodicama koje vec godinama zive po izbjeglickim centrima, cesto sa dvoje-troje djece u jednoj maloj sobi i cekaju svakog dana izgon iz ove zemlje, od koje su sa pravom ocekivali da im da podrsku prilikom opsade i pada Srebrenice, a i nakon toga.

## PISMO ORGANIZACIJI HUMAN RIGHTS WATCH, AMNESTY INTERNATIONAL I EVROPSKOM OMBUDSMENU

Upuceno 22. novembra 2006.

Postovani,

Izrazavajući veliku zabrinutost ovim pismom vam se obracaju najznacajnije bosanskohercegovačke organizacije u Nizozemskoj i organizacije koje nas u našem zahtjevu podrzavaju. Razlog našoj zabrinutosti jeste izuzetno teska situacija protjeranih iz Bosne i Hercegovine, koji ovdje godinama zive u azilskim centrima, a nalaze se 'ni na nebu ni na zemlji'...

Agresija na Bosnu i Hercegovinu koja je trajala od 1992. do 1995. godine i koja u neku ruku jos uvijek traje, je ostavila velike tragove. Genocid nad Srebrenicanima u julu '95. je tragedija kojom Evropa okoncava 20. vijek. Preko osam hiljada djece i muskaraca su ubijeni pred ocima svijeta koji ovo ne bi smio olako da zaboravi. Suprotno od toga, 'svijet' je i dalje pasivan a prezivjeli ove tragedije tesko gdje nalaze mirno utociste, a pogotovo u Holandiji.

Oko dvije stotine tih istraumatiziranih Srebrenicana vec godinama se potuca od jednog do drugog azilskog centra, iscekivajući u neizvjesnosti i u strahu sta ce se sa njima desiti. Oni borave u jako malim prostorijama koje cak nekad dijele sa izbjeglicama iz drugih zemalja, cesto bez strucne medicinske pomoci i u minimalnim okolnostima. Njihove procedure su iscrpljujuce i ovi ljudi su definitivno zapostavljeni od strane holandske vlade. Ljudi se vec pet, sest, sedam, osam i vise godina nadaju nekom rjesenju a ni sami ne znaju cemu se nadaju. Sada, nakon toliko godina, zahvaljujuci holandskom rezimu, ovim ljudima prijeti izgon!!

"Srebrenica" nije samo dio bosanskohercegovačke historije. Pod zastavom UN-a su upravo holandski vojnici bili svjedoci onoga od cega ovi Srebrenicani danas pate i patit ce cijeli zivot. Srebrenica je i holandska historija i historija svijeta.

Samo iz tog razloga, nacin na koji se tretiraju ovi ljudi mi smatramo jako ponizavajućim i nehumanim jer ti ljudi se ne mogu vratiti u Srebrenicu i zapoceti zivot na zgaristu genocida. To izmedju ostalog potvrđuje i raport UNHCR-a napisan 2005. godine, u kojem se navodi da se ove izbjeglice ne bi trebale



vratiti tamo gdje su poubijani mnogi clanovi porodice, prijatelja i komsija. "Refugees who have suffered or whose family has suffered from atrocious forms of persecution including genocide should not be returned."

Mi smo iz vise navrata i na razlicite nacine apelovali na holandsku vladu i ministricu Verdonk, da se obrati vise paznje ovim ljudima. No, svaki put smo bili odbijeni. Sto dokazuje da ova politika ne postuje niti medjunarodne organizacije i njihov stav kao npr. u ovom slucaju UNHCR i Tribunal u Hagu, koji je dokazao genocid u BiH.

Nama je nerazumljivo da tolerantni Nizozemci, koji se po cijelom svijetu zalazu za dobrobit covijeka i njegova ljudska prava, istovremeno u svojoj zemlji se skandalozno odnose prema azilantima, ne samo onim iz Bosne i Hercegovine, vec i drugima.

Svi smo mogli biti svjedoci pozara na aerodromu Schipholu prosle godine, gdje su bili smjesteni stranci koji su cekali deportaciju. To vecer je jedanaest ljudi izgubilo zivot a petnaestero su povrijedjeni, zahvaljujuci propustima u radu holandske vlade. Celijski kompleks nije bio napravljen niti osiguran po zakonu. Neki od prezivjelih su bili odmah deportovani a neki su ostali u Nizozemskoj, bez ikakve strucne i medijske pomoci.

Svako je mogao biti svjedok izгона i elementarne nepravde ucinjene maloljetnoj Taidi Pasic. Djevojka, porijeklom sa Kosova, je dobila izgon i zbog toga molila ministricu Verdonk da joj produzi boravak samo za par mjeseci kako bi zavrсила školovanje.

Ministrica Verdonk je vratila ljude iz Konga natrag i njihova dokumenta dala na uvid 'punoglavcima' u Congo-u, poslije cega su protjerani iz Nizozemske 'nestali' ili su završili u zatvoru u svojoj zemlji jer su trazili politicki azil u Nizozemskoj.

Dok se holandski vojnici salju u Avganistan, gdje je rat razrusio i rusevine predhodnog rata, izbjeglicama iz Avganistana koji su u Nizozemskoj, prijeti izgon.

Procedure kada drzavljanin Nizozemske zeli da osnuje brak sa nekim strancem su takodjer veoma cudne i prakticno destimulisu i onemogucuju realizaciju ovakvih potreba.

Ljudi kojima je azilska procedura završena budu smjesteni u tzv. sabirni centar. To je jedna vrsta zatvorskog smjestaja u celijama, gdje je zabranjeno napustanje odredjenog prostora i terena. Celije se napustaju samo u odredjenim satima. Djeca ovih ljudi takodjer borave u ovim celijama. Takodjer i maloljetna djeca koja su rođena u Holandiji. Kako objasniti tom djetetu zasto je ono u zatvoru, zasto mu ne daju da ide u skolu, da se druži sa svojim prijateljima i igra sa svojim igrackama? Kako? Ovakva iskustva djece ostavljaju traume za cijeli zivot.

Mi postujemo zakon ove zemlje, ali ne razumijemo zasto se ove procedure godinama moraju provoditi da bi se ljudi na kraju iscrpljeni, bez volje za zivot i motiva za buducnost vratili tamo odakle su izbjegli. Ni u jednoj drugoj zemlji na svijetu, koja je primila protjerane iz Bosne i Hercegovine, azilske procedure nisu trajale ovoliko dugo, niti im je prijetio izgon na ovakav nacin kao sto prijeti oko 1000 bh. gradjana koji se nalaze u azilskim procedurama u Holandiji.

Mi ovo vise ne mozemo da prihvatamo, ne mozemo da podnesemo, jer smo uvjereni da se u Holandiji na ovakav nacin krse osnovna ljudska prava i zato apelujemo na vasu pomoc. Pomozite da se situacija ovih azilanata rijesi. Ljudi su integrisani u zivot ove zemlje i ono sto oni zaslužu jeste sansa da pocnu zivjeti normalnim zivotom.

Ako Holandija može tvrditi da u julu '95. nije mogla da obezbjedi i spasi Srebrenicane, zasto sada pravi istu gresku?

S postovanjem,

Mladi BiH i Platforma BiH uz podršku Ambasade BiH u Nizozemskoj i organizacija: SSDBiH, Optimisti, Lize, IKV, PC "Stari most", LOM, War Child, Defense for children, Geen kind in een cel

## **DOGOVOR SA PRIJATELJSKIM ORGANIZACIJAMA O BUDUCEM OBILJEZAVANJU GODISNJICE SJECANJA NA SREBRENICU**

25. novembra 2006. godine održan je u Arnhemu sastanak predstavnika Platforme BiH, Mladi BiH, IKC Bosnjak i holandskih organizacija Politicki Komitet "Stari Most" i Medjureligijskog mirovnog vijeca IKV.

Cilj je bio analiza protekle manifestacije 11. godisnjice sjećanja na genocid Srebrenice održane 11. jula 2006. pred Parlamentom u Den Hagu i nacelan dogovor za pripremu manifestacije sjećanja u julu 2007. godine.



Dogovor o saradnji za narednu godinu predstavnika PC "Stari Most" i udruzenja BiH

Svi ucesnici sastanka su ocijenili da je posljednja organizacija bila u cjelini uspjesna, da je program bio kvalitetan, odziv gradjana dosta dobar i interesovanje medija zadovoljavajuce.

Postignut je principijelan dogovor da se ubuduce u program treba ukljuciti i govor predstavnika ambasade Bosne i Hercegovine u Nizozemskoj ali i kratak govor odgovarajuceg predstavnika vlade Holandije. Ovim se zeli izbjeći utisak da se radi o vjerskom sukobu u Bosni i Hercegovini, koji se iz dosadasnje koncepcije obiljezavanja ovog jedinstvenog masovnog zlocina genocida nad Bosnjacima mogao izvuci.



Sead Siocic iz IKC Bosnjak u Arnhemu, ucesnik i organizator svih dosadasnjih manifestacija obiljezavanja Srebrenice, predao je knjige profesora Smaila Cekica Agresija na Republiku BiH na Engleskom jeziku Ab de Bucku iz PC "Stari Most"



Dzevad Kuric, predsjednik Platforme BiH predao je knjige Agresija na Republiku BiH na Bosanskom jeziku Lindi Schevers iz IKV, zaduzenoj za vodjenje projekata u jugoistocnoevropskim zemljama

Ovom prilikom je ukratko razmatrena potreba i dogovoren je zajednicki nastup protiv najavljenog plana Ministarstva odbrane Holandije da 4. decembra u Assenu uruci priznanja oficirima i vojnicima Holandskog bataljona III, koji su bili u tzv. misiji odbrane u vrijeme pada Srebrenice u julu 1995. godine. Od strane PC "Stari Most" dogovor je do kraja ispostovan, dok je IKV kasnije imao dvojbe oko svog ucesca i isto otkazao, mada su pojedinci ove organizacije uzeli ucesce u akciji u Den Hagu.

## **PREDIZBORNA DEBATA U EINDHOVENU**

U vecem broju bosanskohercegovackih udruzenja odrzane su predizborne debate povodom vanrednih izbora u Holandiji. Pored Arnhema, Den Boscha, Nijmegena odrzana je interesantna debata i u Eindhovenu, u organizaciji udruzenja Bosna, 11. novembra 2006. godine. U raspravi je ucestvovao veci broj od 80 prisutnih a kuriozitet je u tome sto su vecina prisutnih (70%) bile zene. Debata je odrzana u znaku radnog poziva: Svi na izbore!

Kao gosti su pozvani istaknuti predstavnici raznih politickih partija kao sto je gospodja Corin Jonker, clan Parlamenta iz partije CDA, gospodja Saskija Laaper-ter Steege, kandidat PvdA za clana Parlamenta, dva opstinska vijecnika iz Groene links, dva iz CDA i pet iz PvdA. Iz opstine Helmond prisustvovao je i nama dobro poznati vijecnik PvdA gospodin Damir Ibrovic. Medju gostima je bio gospodin Theo Beenen iz Leefbaar Eindhoven.

Ovo je bila veoma dobra prilika da se Bosanska zajednica u Eindhovenu i okolini poblize upozna sa razlicitim izbornim programima najuticajnijih lokalnih i holandskih partija o obrazovanju, zdravstvenom osiguranju i socijalnim pitanjima, diskriminaciji (problem dobijanja odgovarajuceg radnog mjesta, staze i sl.), dvojnomo drzavljanstvu, bolnom pitanju davanja dozvole boravka nasim gradjanima, posebno Srebrenicanima, koji vec godinama borave u Holandiji pod teskim i nehumanim uslovima po razlicitim centrima itd.

Rasprava o ovim vitalnim pitanjima je mogla da pomogne da se nasi gradjani lakse odluuce za one holandske partije i programe koji najvise izlaze u susret njihovim potrebama.

Naravno da to vece nije proslo samo u prici. Organizatori su se pobrinuli i za tu priliku da zabave i ugoste mnoge ucesnike i goste, tako da je i lokalna stampa sljedecg dana pisala o poznatoj bosanskoj gostoprilmjivosti.

Sefkija Hadziarapovic

## **IZABRANO NOVO RUKOVODSTVO MLADI BiH U HOLANDIJI**

Nakon dvije godine od osnivanje organizacije Mladi BiH ova mlada i dinamicna organizacija u u krilu Platforme BiH i ukupne BH zajednice u Holandiji je na godisnjoj skupstini u Goudi 8. decembra izabrala potpuno novo rukovodstvo: Almedinu Ademovic, diplomirani ekonomista, naknadno izabrana za predsjedncu, Mustafa Hadziibrahimovic, diplomirani novinar, podpredsjednik, Ajtana Mujovic, studentica Evropskih studija, sekretar i Nihad Stocevic, diplomirani ekonomista, blagajnik.

U starom rukovodstvu su bili Admira Fazlic, predsjednica, Amir Jatic, podpredsjednik, Lamija Dzical, sekretar i Kemal Agovic, blagajnik.

Na svecanom skupu u ambasadi BiH u Den Hagu, prilikom proglasenja bivse predsjednice ove uspjesne organizacije Admire Fazlic za Najuspjesniju licnost iz redova Mladi BiH u Holandiji, predstavilo se u punom svjetlu i kompletno novo rukovodstvo Mladi BiH.

## HUMANITARNI RAD

### SOLIDARNOST NA DJELU

#### TRAVNICANIMA SANITETSKA OPREMA A KOMPJUTERI OS GUCA GORA

Ljudi u Travniku i okolini ovog oktobra imali su razloga da se raduju, posebno zaposleni u travnickoj bolnici i ucenici i nastavnici u osnovnoj skoli u Gucoj Gori na Vlasicu.

Zahvaljujuci entuzijazmu dr. Senaila Sivri i Elvedina Kodzage upucene su bolnici u Travniku dvije palete sanitetskog materijala, a skoli u Gucoj Gori 21 kompjuer, 15 monitora i printer. Vrijednost posiljke je oko 100.000 eura.



Baza Brunssum: E. Kodzaga, Dr. S. Sivro, A. Fazlic i snimatelj De Lange

Sve prikupljeno kod holandskih institucija upuceno je uz pomoc gospodina Willema Bosa iz Nunena koji se nalazi na celu holandskog udruzenja Bosanska djeca. U akciju su se ukljucili i bosasnkohercegovacki klubovi i udruzenja iz Arnhema, Den Boscha i Goude, koji su prikupili i dali novcani prilog za troskove avionskog prevoza posiljke od baze Brunssum u Limburgu do Sarajeva i dalje do Travnika i Guce Gore, kao i pojedini gradjani BiH u Holandiji: Asim Grabus, A. Fazlic, Ajdin, F. Congo i drugi.

Strucnjaci za automatizaciju iz opste bolnice Almere, u kojoj radi Dr. Sivro, su instalirali kompjutere na Gucoj Gori i uvezali ih u internet mrežu tako da sada, u skladu sa ocekivanjem, sve dobro funkcioniše.



Dr. Sivro sa holandskim strucnjacima u OS Guca Gora na Vlasicu



Ucionica opremljena savremenim kompjuterima za djecu Guce Gore

O akciji je novinarka Admira Fazlic sa TV snimateljem Cees de Lange napravila izvanrednu reportazu koja je emitovana u subotu 4. novembra na TV Hayatu.

Platforma BiH je koordinirala ovu akciju preko svoga sekretara Elvedina Kodzage. Dr. Sivro, inace specijalista ortoped-hirurg u Almere, radi neumorno vec nekoliko godina i na prikupljanju pomoci u opremi i sanitetskom materijalu za bolnice sirom BiH, sto nije ostalo nezapazeno medju brojnom dijasporom i strucnom javnoscu.

M.Midzic

## KULTURA

## MEDJUNARODNA ZAJEDNICA I ZLOCIN U SREBRENICI

Promocija knjige poznatog prevodioca holandskog Treceg bataljona **Hasana Nuhanovica** "**POD ZASTAVOM UN-a**" - **Medjunarodna zajednica i zlocin u Srebrenici** u Holandiji je uspješno obavljena pocetkom oktobra 2006. godine.

Za promociju knjige i autenticno kazivanje hronologije najkriticnijih dogadjaja koje je prezivio autor ovog strasnog zlocina genocida nad Bosnjacima pokazan je veliki interes gradjana BiH u Goudi i Roermondu i Holandjana u Amsterdamu.


U prepunom amsterdamskom teatru De Balie-u debatu je usmjeravao poznati Frank Tiggelaar sa domovina.net-a, a razgovor sa Nuhanovicem je vodio poznati javni radnik, pacifista i humanista Mient Jan Faber.

Promociju je organizovala BH Fondacija Optimisti 2004 u saradnji sa Platformom BiH i IZBN.

Knjiga Hasana Nuhanovica "Pod zastavom UN-a" moze se poruciti putem adrese: **optimisti@quicknet.nl**

## PREDSTAVLJANJE PISACA

### KEMAL KOLIC



Kemal Kolic

Kemal Kolic, prvi put udahnuo zivot 19.07.1959. u Foci. Zivi u Gorazdu (izuzev par godina u Sarajevu) od 1967. do 1992. Poeziju poceo pisati nakon sto je shvatio da mu neka neobjasnjiva svijest salje pregrst stihova i obogacuje mu dusu i srce. Uzivao je u toj igri zivota i njega samog, a onda ga je nesto natjeralo da sve to pocne stavljati na papir. Danas zivi i stvara u Holandiji.

Prosle godine je izašlo iz stampe drugo dopunjeno izdanje zbirke pjesama Kemala Kolica pod naslovom "**Povratak sebi**". Knjiga je dio projekta "Zaboravljene duse", koji je inicirao njegov prijatelj Senad Pezo (2005. izabran za "Covjeka godine BiH" na podrucju likovne umjetnosti i slikarstva). Ovo izdanje se poklanja Fondu za skolovanje djece bez oba roditelja iz Srebrenice.

Na pitanje zasto je naslov zbirke bas "Povratak sebi" Kolic kaze:

"Zato sto ja postojim neovisno od toga gdje zivim i sta radim. Zato sto ja postojim bez obzira da li vjerujem u nesto i nekoga. Ja postojim bez obzira da li podrzavam ovu ili onu ideju ili je potpuno odbacujem. Ja, pa onda svako ljudsko bice koje dise na ovoj planeti, postojim neovisno od toga da li sam vatreni navijac Ajaxa ili me Ajax i fudbal uopste ne interesuju. Mozes biti ozenjen ili nezenja. Jos uvijek postojis. Mozes imati osamnaestero djece ili biti bez ijednog djeteta i jos uvijek ziv. I da se ja ne rasplinjem u nabranjanju svega onoga sto za jedno ljudsko bice nije najvaznija stvar u zivotu. Ti si sebi i Ja sam sebi najvazniji. Zasto? Zato sto ove stvari mogu postati dio moga zivota zahvaljujuci cinjenici da ja postojim. A sve ce te stvari postojati i nakon mog odlaska sa ove planete I ako se sebi ne vratim, onda nigdje nisam ni stigao."

Na pitanje o cemu on to pise Kolic odgovara :

"Pojedini su ljudi fascinirani izumrlim civilizacijama i njihovim dostignucima. Mene fascinira zivot. To da postojim. Da sam sad i ovdje. Da se krecem. Da mogu da se smijem. Da pisem. Svo je moje pisanje u stvari "Oda zivotu". Neki su posveceni traganju za Bogom. Ja sam zadivljen cinjenicom da je nas svaki udisaj susret sa Bogom. Cudi me kako ljudi toga nisu svjesni. Jedan je dio covjecanstva okrenut otkrivanju tajne postojanja i traganju za odgovorom odakle smo dosli. Mene veseli spoznaja da se u ritmu disanja krije tajna postojanja i da je odgovor mnogo blizi nego sto mislimo. Neki su posveceni razmatranju politickih pitanja, ekonomske situacije, pa onda hoce li poceti raditi u sedam ili u pola devet, pa onda bla, bla, bla. Ja znam da zivot seze mnogo dublje i dalje od svega toga. Zivot ne poznaje rasu, religiju, nacionalnost, bogatstvo, siromastvo. To sto nas drzi u zivotu ne poznaje sta je ispravno i sta je neispravno. Ko je u pravu, a ko nije. Jer kad bi za to sto nas drzi zivima sve ovo bio kriterij po kome ce nas nagraditi dahom, ova bi planeta bila poprilicno pusto mjesto."

Zapalili ste mi dom.  
Razrusili mi grad.  
Pobili mi prijatelje.  
Lisili me uspomena.  
Ipak sam vas prevario.  
Niste mi uzeli  
najdragocjeniju stvar.  
Jos uvijek sam ZIV.

20.09.1992

Postoji stvar.  
Bez rase je.  
Nema nacionalnost.  
Ne slijedi ni jednu religiju.  
Pokrece cijeli Kosmos.  
I daje draz planeti Zemlji.  
Zove se zivot.

I kad gubim,  
ja dobijam.

Gubeci nesto  
Saznajem da je to  
jos jedna od  
zamki i zabluda  
ovog svijeta.

Gubim zablude,  
dobijam spoznaje.

08.08.1991

Zbirka pjesama „Povratak sebi“, koja je stampana na Bosanskom i Engleskom („The Return to Myself“) moze se poruciti direktno od autora Kolica: **Telefon: 070 383 22 85; Mobilni: 06 15 15 82 09**



## **SRAMNA ODLIKOVANJA**

*Uz prodoran zvuk drzavne himne,  
Prisjecanje na pokolj u Srebrenici  
I zagrebacka orgijanja,  
U i kasarni "Johan Willem Friso",  
U pola dana,  
Cetvrtog decembra dvije hiljade i seste,  
General Karemans i njegovi vojnici  
Primaju odlikovanja.*

*U stroju poredjani,  
Ponosni, veseli,  
Smjeli,  
U svecanome i ruhu i zvuku,  
Nestrpljivo cekaju svoga ministra ruku  
Koja im odlicja dijeli.*

*Prvi je general Karemans.  
Kosa mu bijela, brkovi mu bijeli.*

*Kad odlicje dobi,  
Nasmjesi se i glavu podignu.  
Nasmjesi se i ministar njemu,  
I desnim okom mu namignu.*

*A pred kasarnom: demonstranti.  
Prognanici, strasnoga genocida zrtve!...  
I oni, s bijelim transparentima,  
Stoje u stroju.  
Proklinju sudbinu svoju,  
Bol im se u grudima klata,  
U mislima prizivaju svoje mrtve.*

*U kasarni tece ceremonijal.  
Malo iznad srca – padaju odlikovanja.  
Malo ispod srca – fleka srama!  
Jer, Srebrenica nije sala. –  
Zbog nje je prije cetiri godine holandska vlada pala.*

*Na krovu kasarne cuce dvije vrane,  
Pogledi im plasljivi.  
Uplasio ih helikopter sivi,  
Kojim je dosao ministar Odbrane.*

*Odmice vrijeme.*

*Odmice sumoran dan.  
Kisa tiha i tuga ledena  
Padaju na ramena.  
Vjetar povija grane.  
Umorne i zabrinute  
Bosanke stoje, cute,  
Utroba im se steze...*

*U kasarni svecani ceremonijal,  
Vojnici, ministar i general.  
Muzika odlijeze.  
Na krovu kasarne cuce dvije vrane.  
Pred kasarnom tuga, bol i zal.*

*Profesor A. Avdic*

## TRADICIONALNO GODISNJE OKUPLJANJE SAMCANA U EVROPI

Sve je pocelo nekako spontano, onako bas kako se i vecina lijepih stvari u nasem zivotu i dogodi. Bez puno razmisljanja i sastancenja grupa nasih sugradjana je dosla na ideju da se barem jedanput godisnje organizuje okupljanje gradjana Bosanskog Samca u nekoj od evropskih zemalja gdje i vecina nas boravi.



Raspolozeni Samcani prilikom posljednjeg jesenjeg susreta u Apeldornu 2006

Prvo takvo druženje je održano u oktobru 2004. u Hemskerku (Holandija) i tada se ova inicijativa pokazala kao pun pogodak. U ovaj mali gradic na sjeveru Holandije dosli su tom prilikom nasi sugradjani koji borave u Svedskoj, Belgiji i Njemackoj .

Naravno, kao prvi domacini ovih susreta najbrojniji su bili Samcani koji zive u Holandiji.

Uz pjesmu i nas pravi domaci ugodaj provedeni su lijepi i nezaboravni trenuci.

Sastali su se nakon duzeg vremena ljudi koji su prije svih desavanja u nasoj Bosni bili nerazdvojni jarani, skolski drugovi, clanovi familije i prijatelji. Djeca koja su rođena ovdje na zapadu imala su priliku upoznati svoje vrsnjake koji zive u nekoj od zapadnih zemalja.

Smijeh je smjenjivao suze i obratno. Puno emocija i svega sto se u nama skupljalo svih ovih godina. Uz svoj svijet i svoju rajnu sve je nekako lakse i sve se nekako preboli.

A zivot ide dalje, po onoj nasoj devizi "Novi dan - nova nafaka".

Tom prilikom je pao i konacan dogovor da ovo sve sigurno zasluzuje reprizu i da domacin narednog okupljanja bude Njemacka. 2005. godine smo zbog velikog interesa i entuzijazma nasih ljudi uspjeli organizovati cak dva susreta. Nakon Bruchkobela u Njemackoj u jesen iste godine smo se uputili u pravcu Skandinavije. Svedski grad Halmstad i nasi Samcani koji zive tamo su ucinili sve da i ovaj put sve protekne u najboljem redu i na opste zadovoljstvo svih prisutnih.

Akcent svih ovih nasih sijela bio je na lijepom duzenju i to onako bas kako smo navikli i naucili u nasoj domovini. Bez ikakvih politickih konotacija i tema koje bi mogle pokvariti i negativno uticati na opste i u pravilu dobro raspolozenje. Svako je dobro dosao.

Okupljanjima se odazivaju pripadnici svih nasih naroda i manjina i sve skupa je bas ono sto je nekad i krasilo nas mali posavski gradic i nasu Bosnu i Hercegovinu.

Kao dokaz da je to sve i ostalo tako je sigurno i veliki interes nasih susjeda Modricana koji su na nase veliko zadovoljstvo i u velikom broju uvelicali nase zadnje druženje u Apeldoornu u novembru ove godine. Nadamo se da su i na njih ti trenuci uz pjesmu i lijepu rijec ostavili utisak i da ovo nece biti zadnji put da se sastajemo.

Ovom prilikom zelimo pozdraviti sve gradjane Bosanskog Samca sa privremenim boravkom u Evropi i sirom svijeta i da im pozelimo svako dobro.

Mi cemo se i nadalje truditi da se sto cesce sastajemo i da ova lijepa okupljanja postanu tradicionalna i ostanu u sjecanjima kao nezaboravni momenti u nasem zivotu.

Suad i Branka Mujkanovic

## KONCERT HARI MATA HARI U TILBURGU

Gradjani Bosne i Hercegovine koji zive u Holandiji imali su priliku da prisustvuju koncertu grupe Hari Mata Hari i njegovog vokalnog soliste gosp. **Hajrudina Varesanovica**. Oko 600 posjetilaca bilo je prisutno u subotu navece 21. oktobra 2006. u Tilburgu. Sala Hotela "Druiven Teras" bila je zaista krcata. Znacajan broj starijih posjetilaca pa i cijele porodice sa djecom su bile prisutne. Reklo bi se nista neobicno, jer cesti su koncerti BiH estradnih umjetnika u Holandiji.

Medjutim, posebnost je u tome sto je gost bio bas Hari Varesanovic, covjek koji je na posljednjem Eurosong festivalu u Atini osvojio sjajno 3. mjesto sa izvanrednom kompozicijom "Lejla". Ovo je bio njegov prvi nastup nakon tog znacajnog uspjeha kako za njega tako i za nasu domovinu.



**Hari Varesanovic je odusevio brojnu publiku na koncertu u Tilburgu**

"Platforma BiH" krovna organizacija BiH gradjana u Holandiji, je to vecer imala svog predstavnika gosp. Zecic Becira koji mu je zazelio ugodan boravak u Holandiji, cestitao mu na postignutom uspjehu u Atini i zazelio da ga jos cesce vidjamo medju nama. Naravno, skromni sarajevski umjetnik, gospodin - u pravom smislu te rijeci, se zahvalio svojim obozavaocima na podrsci prilikom glasanja na Eurosong festivalu.



**Bila je "Lejla" na koncertu ali i Elma i Arnela**



**Ivona, Dino i Dafna**

Vrijedno je istaci da je koncert prosao bez i jednog izgreda, u jednoj veoma ugodnoj i raspjevanoj atmosferi. Porad "Lejle" cule su se poznate pjesme Harija, ali i "Mujo Kuje" cime se amosfera podigla do usijanja. Pored Harija publiku je zabavljao i Mirsad Arstotic izvanredni gitarista sa pjesmama iz

repertoara Dine Merlina kao i svojim kompozicijama. Pred kraj koncerta se desio jedan lijep dogadjaj. Naime drugi gitarista grupe Karlo Martinovic dobio je vijest da mu se rodio sin cime je na najbolji nacin okoncano ovo gostovanje grupe Hari Mata Hari.

Mora se istaci i primijecena aktivnost djevojaka iz organizacije **Mladi BiH** koje su dijelile informacije sa pozivima mladim da se prikljuce i uzmu aktivnu ulogu u djelovanju BiH omladine u Holandiji. Za svaku pohvalu, nema sta.

## S P O R T

### SAH KLUB BiH U AMSTRDAMU - DESETOGODISNJA ZETVA PRIZNANJA

Sahisti koji su se okupili prije desetak godina pod krovom Udruzenja BiH u Amsterdamu uspjevaju da i u ovoj godini nizu pobjede uprkos nizu problema koji su zadesili ovo udruzenje, a time i Sah klub. Zahvaljujuci sponzoru Miru Kukanjcu, inace uspjesnom biznismenu koji je uplatio clanarinu sahovskom udruzenju regije Amsterdam Klub je nastavio takmicenje u ligi, a u oktobru je zabiljezana i prva pobjeda protiv ekipe Alkmara 7:1.

Zahvaljujuci razumijevanju opstine Slotemeer dobili su i pravo koristenja adekvatnih prostorija svakog petka uz vrlo nisku nadoknadu. Na zalost Udruzenje BiH u Amsterdamu, koje je raspolagalo sa znatnim novcanim sredstvima za mnoge aktivnosti (pa tako i sahovske) i tri stalno zaposlena radnika koji su placeni od strane gradskih vlasti, ove godine nije dobilo sredstva za djelovanje. Prostor gdje se okupljalo je zatvoren a radnici su upuceni na raspolaganje finansijerima. « Sve ovo ce trajati dok se ne obave istrazne radnje oko utroska novca u proteklim godinama, ali kada ce se sve to završiti jos se ne zna. Udruzenje BiH jos postoji, iako bez novca », rekao nam je Fadil Camic, predsjednik, koji je jos uvijek i predsjednik i Sah kluba.



**Majstorski kandidat prof. Zijad Becic i Suljo Muratovic**

No, da se vratimo postojećim aktivnostima vrijednih sahista koji su uspjeli da se snadju i eto, takmice od septembra. Majstorski kandidat prof. Zijo Becic, kapiten ekipe, okuplja penaestak ljudi. Tako je bilo i krajem oktobra kada smo ih posjetili jednog petka u novim prostorijama.

Ove godine takmice se u II regionalnoj ligi medju osam ekipa. Igra se sedam kola. Vec od 2003. godine djeluju kao Sah klub, a puni doprinos novom ustrojstvu bh. Sahista u Amsterdamu pruzili su Zijo i njegov sin Said, inace, vrlo uspjesni takmicar i ako ovako nastavi nadmasice oca. Jovo Ceko, sahovski majstor, uglavnom igra na prvoj ploci, Said Becic na drugoj, a otac mu Zijo na trecjoj. Majstorski kandidat Murat Musabegovic igra na cetvrtoj ploci, a zatim slijede Senad Kustura, Martin Tomanovic, Fadil Camic, Hamzalija Mehmedovic, Luka Olujic, Zoran Fiser, Predrag Tacovic, Rudi Gorsic i Nedzad Ibisevic.

Pocelo se prije desetak godina u IV klasi amsterdamske regije, dok su se nakon prve sezone BiH sahisti vec nasli u II klasi.. Inace, liga se igra na osam tabli, za razliku od radnicke olimpijade regije Amsterdam, gdje se igra na cetiri table i gdje su pojedinci ostvarili odlicne rezultate, kao i ekipa u cjelini. Na olimpijadama nastupaju ekipe ABN-AMRO banke, ING banke, Poste itd. Sah klub BiH osvojio je 2005. i ove godine drugo mjesto, gdje je u prosjeku nastupa preko sto kvalitetnih igraca sa vrlo visokim zvanjima.

Said Becic je krajem oktobra osvojio i prvo mjesto na turniru u Amsterdamu na kome su igrali sahisti rejtinga do 2250 poena. Presao je da igra i za prvi tim kluba "Max Eve" koji postoji vec sto godina, a poslije osvojenog prvog mjesta na Eigenbroodtoernooi uslijedili su pozivi i za jace turnire.

O uspjesima profesora Zije Becica, Murata Musabegovica, Jove Ceka i izuzetnog mladog talenta-**dvaneestogodisnjeg Admira Kusture** pisacemo u sljedecem broju. Samo da napomenemo da je Admir vec sa sedam godina bio prvak Amsterdama medju svojim vrsnjacima a sada je prvak i u kategoriji do dvnaest godina.

MM

**BH KONZULARNI DANI SVAKE POSLJEDNJE SUBOTE U MJESECU U AMBASADI BiH U DEN HAGU I U 2007.**

**Na sastanku sa ambasadorom BiH u Holandiji gospodinom Fuadom Sabetom 16. decembra 2006. obavijesteni smo da ce se KONZULARNE USLUGE u Ambasadi BiH u Den Hagu i dalje pruzati gradjanima BiH u Holandiji svake posljednje subote u mjesecu. Prvi sljedeci konzularni dan odrzace se u subotu 27.januara 2007. godine sa pocetkom u 10.00.**

**Uprava Platforme BiH**

**Nasa Bosna**  
List gradjana BiH  
Holandija

Izlazi kvartalno  
Glavni urednik: Dz.Kuric  
Clanovi redakcije:  
H.Dzananovic,  
M. Midzic

[Dz.kuric@zonnet.nl](mailto:Dz.kuric@zonnet.nl)  
[Dzananovic@hotmail.com](mailto:Dzananovic@hotmail.com)  
[www.bihplatform.nl](http://www.bihplatform.nl)

**ziro racun ABN.AMRO**  
**br. 41.19.38.363**